



AWEMainta

E DIFERENCIA DEN NOTICIA

Club Kibrahacha 60+ gran ganado di Renaissance Long Table



5

Cinco aña di prizon ²
Abusado no kier a acepta “no” di victima menor di edad

Un tributo na Boysi Croes ⁶
E legendario cantautor crioyo di Aruba a bay laga nos

¹⁸
Aruba ta cay venci 2-0 contra Corsou




WHAT VS WHERE?

Stop Searching!


M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV



Cinco aña di prizon

Abusado no kier a acepta “no” di victima menor di edad



OTRO caso tristo di abuso sexual di un menor di edad, a wordo trata pa Corte den Prome Instancia diabierna ultimo, caminda e victima a resulta di ta un mucha muhe di 14 aña tempo cu e abuso aki a tuma luga.

E acusado tabata e homber procedente di Ecuador kende tin algun aña bibando aki na Aruba cu señora y dos yiu, esta W. Morales di 39 aña, kende a durante di 8 luna largo na 2023, a comete e actonan castigabel cu e victima di 14 aña.

E mucha muhe kende no ta famia di e homber, tabata tira bista riba baby di e pareha Morales cu a caba di nace y durante di su estadia na cas di e acusado, Morales ta dicidi di cuminsa basila e mucha muhe caminda for di diferente copia di e combersacionnan aki via di Whatsapp, mama di e victima a bin descubri kico tabata pasando cu su yiu muhe.

E victima den su declaracion na autoridad policial a declara cu e tabata encanta cu e baby di e acusado, kende cariñosamente y tabata yama padrino y Fiscal a muestra durante tratamento di e caso, cu for di e combersacionnan aki cu a wordo descubri den celular di tanto e victima como e acusado, por a tuma nota cu constantemente e hobencita tabata nenga di acepta proposicion amoroso di e ‘padrino.’

Sinembargo a yega asina ley cu Morales a logra di convence

e mucha muhe pa e bin den cushina caminda el a logra kita su paña y a penetra e criatura parti patras y despues esaki a sosode un total di cinco ocasion.

Morales mes a nenga dilanti di Hues, insistiendo cu nunca algo a pasa ya cu e tabatin hopi daño pa e mucha y cu nunca e cosnan aki a sosode pero realmente tabata cosnan cu el a haci cu a confirma cu el a haci algo cu e mucha muhe.

Den sala di Corte tambe tabatin mama di e victima sinta, kende no por a contene su lagrimanan y el a presenta c’un amiga di dje kende a hiba palabra tambe den su nomber durante tratamento di e caso.

Loke a caba di perhudica e sospechoso y practicamente a confirma su culpabilidad ta e echo cu el a trata di convence famia di su victima pa laga e acusacion cay a cambio di placa un oferta cu mama di e victima a nenga rotundamente.

E señora kende tabata sumamente conmovi durante tratamiento di e caso, a nenga tur oferta di e homber pero tambe a muestra cu e lo no exige Corte ningun tipo di compensacion p’e dañonan cu tanto e victima como su famia a sufri door di e abuso cu e homber a comete.

E solo echo cu e homber a trata di duna e famia placa pa kita e keho contra di su persona, ta un indicacion cu ta duna indicacion cu e ta culpabel pero durante di tratamento di e caso diabierna mainta, el a keda nenga cu el a comete algo malo y si a acepta cu e tabata namora di e criatura.

Sinembargo e solo echo cu Morales a comete e actonan aki contra di un hobencita cu tabata cuida di su baby, un mucha cu a stima su yiu chikito y constantemente kier a percura pa e criatura, no a pone e homber respeta un hoben asina dedica y disciplina.

Fiscal tambe a muestra hopi emociona durante di su presentacion di e pruebanan cu tin contra di e acusado y a muestra cu tur loke a wordo presenta, ta prueba palpabel, principalmente esunnan cu a wordo descubri pa e mama di e victima.

Hues no a tarda mucho den tuma un decision, al contrario el a dicidi di tuma un decision diabierna mainta mes y a condena Morales na 5 aña di prizon, cu ta un aña menos cu loke Fiscal a exige.

E decision a laga Morales ta yora so pero e tin dos siman pa dicidi si e lo apela e decision di Corte pero na final di e caso, mama di e victima a sak den otro y mester a solicita presencia di ambulance pa e haya asistencia medico.

Fraccion di MEP cu mensahe cla

Parlamento no a aproba acuerdo riba Rijkswet firma siman pasa

MUSTRANDO un biaha mas un falta di respet formal pa loke Parlamento ta nifica den e proceso di gobernacion di Aruba, Minister Presidente Evelyn Wever-Croes a firma un acuerdo cu Secretaria di Estado pa Asuntonan di Reino, Alexandra van Huffelen, pa loke ta introduccion di un Rijkswet pa loke ta supervision financiero.

Sinembargo ta un echo cu e ley aki ainda tin cu wordo aproba pa Parlamento di Aruba pero por a ripara cu ningun momento Premier Wever-Croes a para keto un rato, sikiera bisa Hulanda cu e lo reuni cu Parlamento di su pais prome cu bolbe bay di acuerdo cu Rijkswet.

Durante di e prome dia di reunion na Den Haag pa loke ta e reunionnan di IPKO, tabata e miembro di fraccion di MEP, esta Hendrik Tevreden cu a sorprende hopi hende door di muestra cu no mester lubida cu e Rijkswet aki, tin cu wordo aproba ainda pa Parlamento di Aruba.

Tevreden a cuestiona e forma con gobierno Hulandes a bin ta pone presion riba Prome Minister di Aruba, pa bay di acuerdo cu e ley aki, mustrandocu den pasado caba e lider di MEP a firma pa un Rijkswet pero cu su fraccion di MEP den Parlamento, a dicidi cu esaki no ta bay door.

Awo despues di tanto tempo discutiendo, caminda gobierno Hulandes den un forma inexplicabel di abuso di poder, a dicidi di cobra e debe di 'covidlening' c'un porcentahe di interes masha halto mes, algo nunca bisto den historia di Reino Hulandes.

Aki tin cu muestra cu den e reunion di IPKO aki, ningun di e otro miembronan presente di Caribe Hulandes, tin un situacion financiero di e nivel cu Aruba tin na e momentonan aki, ya cu mundialmente ta conoci e forma con Aruba a logra di saca su mes for di e crisis di COVID.

Riba dje por tuma nota cu Van Huffelen siman pasa a bin dilanti y muestra den declaracion na prensa Hulandes, cu Aruba tabata e unico pais den Reino Hulandes, cu a conoce adelanto concreto pa loke ta ehecucion di Landspakketen pero asina mes ta mira espacio pa Hulanda mete den maneho financiero di Aruba.

"Geschillenregeling" tabata atrobe un topico "hot" den e reunionnan di IPKO na Den Haag pero no ta nada nobo ya cu pa ultimo dos decada, e asunto aki ta punto di discusion continuo pero nunca ta yega na un acuerdo, caminda principalmente Hulanda ta sinti su mes mucho grandi pa entrega un control cu e no kier entrega riba e islanan aki.

Ta algo controversial cu na mes momento cu ta discutiendo pa di tantisimo ocasion riba e 'geschillenregeling' e mesun Consejo di Minister di Reino, kier impone un Rijkswet sin cu e tin argumento logico pa kita un autonomia di Parlamento di pais Aruba.



ANALISIS

Biahamento Minister Glenbert Croes pa exterior ta bergonsoso

TUR pero tur caso di investigacion cu Ministerio Publico inicia contra di un of otro politico, gobernante of parlamentario, den pueblo nan lo wordo compara cu otro sigur si for di prome investigacion, tabatin tur indicacion cu por papia di persecucion politico.

Tur accion lo wordo compara cu otro, sigur ora cu nunca Ministerio Publico y sistema hudicial nunca a asumi un posicion di ta neutral 'politicamente' pero semper tabata determina cu algun minister, ex-minister of politico, tin cu wordo kita for di caminda.

Esakinan tabata bisto den e prome dos casonan contra di ex-Minister Paul Croes y despues den caso di ex-Minister Benny Sevinger ya cu henter e 'campaña' politico aki, a wordo orkesta p'e politiconan rival di cual algun awe ta ocupando e posicionnan

ministerial y otro den posicion halto na Den Haag.

Ministerio Publico nunca a haci esfuerso pa elimina e impresion politico di e investigacionnan aki y a permiti e opinion publico negativo crece y bira algo cu no ta sirbi e bon number di e sistema hudicial.

E caso di Paul Croes tabata algo impresionante, caminda un grupo di oficial di RST, kendenan a penas a pone pia riba suela Arubiano, a bin haya nan den cas di politico aki, intimidando henter e famia, entre nan algun criatura inocente cu a keda marca pa bida door di e accionnan di abuso aki.

No solamente e "invasion" aki cu despues Benny Sevinger tambe a biba di cerca pero despues Paul Croes a wordo someti na un proceso caminda continuamente a VIOLA su derechonan legal den un pais liber y democratico.

A viola su derecho riba libertad, a viola despues su derecho di ricibi husticia contra di esunnan cu a viola e derecho aki pa despues compila informacion di e hendenan cu tabata bisto marioneta di autoridadnan hudicial den e investigacion aki.

Ta bisa esaki cu tur sinceridad ya cu te cu dia di awe, ainda algun otro persona cu a wordo condena hunto cu Paul Croes, ta canando liber, biahando rond mundo ora cu nan kier, ya cu ta muestra cu REALMENTE nan a wordo uza pa haya Paul condena! Ta e tipo di cosnan aki, mescos cu den caso di Benny Sevinger, caminda tambe e oficialnan di Husticia a trata di busca unda tin algo skirbi robes pa acusa e ex-Minister y awe ainda Parlamentario, di abuso di poder, di malversacion y otro asunto.

E ora ta bin siman pasa, ora cu Ministerio Publico hunto cu Landsrecherche y KPA, a dicidi di drenta oficina di Minister Glenbert Croes, a drenta e departamento di DIMAS, a drenta cas di mayornan di Glenbert, a drenta oficina di ruman di Glenbert y a busca tambe na un cas na Noord caminda Glenbert lo tabata habita, dunando indicacion cu tin cos serio cu a tuma luga.

Sinembargo ni 24 ora despues Minister Glenbert Croes a dicidi di menosprecia e sistema hudicial, ora cu el a subi avion y a bula bay Europa y lo keda dos siman den exterior.

Ta ki clase di accion esaki tabata di parti di Ministerio Publico, ya cu den e investigacionnan anterior, a practicamente "secuestra" e otro politiconan pero den e caso aki, Minister Glenbert Croes a ridiculisa e sistema hudicial den forma mahos!!

Red Cross  **Aruba**

**ANNUAL GENERAL
ASSEMBLY**

06.19.2024

Wednesday, June 19, 2024

6pm- 7.30pm

Pedro Gallegostraat 14, Dakota

Our Agenda

- Opening
- Approval Meeting Minutes 2023
- Annual Report 2023
- Budget 2024
- Election new board members
- Approval Renovation Dakota building
- Freeword



The required documents will be available for inspection at our Dakota and San Nicolas branches starting June 10, 2024

Un anochi magico cu a culmina cu un donacion di \$65.000 na nos comunidad **Wind Creek Aruba a celebra e di seis edicion di Long Table Aruba**




LONG Table Aruba, un evento culinario caricativo presenta pa Wind Creek Aruba un biaha mas a surpasa tur expectativa celebrando e di seis edicion diadomingo ultimo. E unico cena balora na \$50.000 pa Aruba, Long Table a presenta un cena completamente na blanco pa 1000 persona.

Desde aña 2017, Long Table Aruba a recauda mas di \$335,000 p'e organisacionnan local y ta un evento sumamente importante pa Wind Creek na Aruba.

“Nos ta compronde e importancia di conecta cu e comunidad y nos ta desea di sostene e organisacionnan local na e manera cu lo realmente ta beneficia e comunidad di Aruba,” asina Sr. Paul Gielen, Gerente General di Wind Creek Aruba a declara.

E aña aki Wind Creek Aruba a cambia e proceso y a selecta 10 organisacion den comunidad activo y a invita esaki nan pa participa. Cada un di e organisacion aki tabatin e tarea di crea un video impresionante, cu e oportunidad pa gana un sosten financiero. E seleccion di e aña aki a wordo enfatisa riba e yudansa na nos grandi y sosten pa nos hobennan cu ta enfrenta circunstancia desafiante. Cu e focus pa renoba e bienestar den nos comunidad, Wind Creek Aruba ta compromete su mes pa haci un cambio y impacto den bida





di esunnan cu ta den necesidad. Pueblo por a haci nan voto pa un di e video nan aki online.

E ganadonan di e concurso di video di Long Table Aruba 2024:

Club Kibrahacha \$15.000

Stichting Hunto Inloophuis \$10.000

Fundashon Hospice Atardi \$10.000

Sonrisa \$10.000

Fundashon Contra Violencia Relacional - FCVR \$10.000

Wind Creek Aruba a duna adicionalmente na e otro 5 instancianan cu a participa tambe un suma di \$2000 na cada un:

ADRA Teen Mother Project \$2.000

Ambiente Nobo \$2.000

Give Me A Break \$2.000

Bump Aruba \$2.000

Fundacion Biba Bou Guia \$2.000

Sr. Gielen ta splica cu nan tin suerte di tin un team cu ta dedica y ta uni forsa pa por produci un evento excepcional cu ta honra nos comunidad local na Aruba. Nos ta spera di a laga un impacto positivo na tur persona cu a atende e evento como tambe na tur nos patrocinadornan cu semper tabata porta habri pa contrubui cu nos evento pa di seis aña caba. Masha danki di curason!

MASHA DANKI: Wind Creek Aruba a ricibi cooperacion pa cera e caminda ya caba for di 12'or di merdia pa realisa e setup di e mesa largo cubriendo un parti di L.G. Smith Boulevard. Alrededor di 11'or di anochi a habri e caminda bek pa publico. Parti musical tabata den man di Duro Entertainment y DJ Lee Croes.

E anochi a keda conduci pa Erin Croes di Magic FM. Un evento manera 'Long Table' Aruba, no por tabata posibel sin algun patrocinado cu tambe tabata dispuesto pa un biaha mas duna nan aporte na e bunita proyecto aki. Wind Creek Hospitality conhuntamente cu Renaissance Wind Creek Aruba Resort ta gradici su staf y personal, tur e instancianan cu a participa na e competencia di video nos main sponsornan Caribbean Overseas, Tropical Bottling Company, Boma Aruba, Elite Productions, Arion Wine Company, Express Events & Party Rentals & Bix Brandimports NV como Andmar Manpower, Al Jazar, Aruba Laundry, Aruba Trading Co, ASD, ARTN Photography, Bright Bakery, Bee haven, Bite! Communications, Compra, Duro Entertainment, EcoTech, Flora Market, Frasa, Great Wall Fireworks, Huan Zhan Trading, Interpan, La Giotto, Mercal, Nani Pan, New York Laundry, New Wave Entertainment, Neomi's Aerial Studio Foundation & Tribe Pole Aerial Studio, Petite Greens & Romar Trading cu a duna nan aporte na e magno evento. Pa mas foto por bishita Aruba Long Table su pagina di Facebook www.facebook.com/ArubaLongTable.



Fenomeno nobo den salubridad: 'maneho' activo di lista di espera

AWEMAINTA a wordo informa recientemente y por a confirma esaki tambe pa experiencia propio, un fenomeno nobo den un 'esfuerso' pa 'elimina' e lista di espera largo den cuida medico.

Den loke ta parece un intento di Ministerio di Salubridad pa disimula e lista largo di espera pa cu e necesidad di cuida medico, den e caso specifico aki di terapia fisico, pashentnan awor ta wordo avisa na momento di pidi un cita pa ricibi atencion medico, cu no ta posibel pa tuma nan nomber pa pone riba lista, sino cu e pacient mes lo mester keda yama activamente tur proveedor pa wak ki dia y na unda por tin un luga pa e wordo atendi. Pone pashent cu verwijsbrief automaticamente riba un lista di espera ya no ta wordo permiti.

AWEMainta ta cuestiona y condena e forma di proceder aki totalmente. Mester menciona cu hopi di esunnan den necesidad di cuida ta hende grandi, cu kisas no tin manera pa keda yama tur proveedor tur dia wak si tin luga. Ademas, den e forma aki di proceder, no ta haci uzo di un sistema di screening, e pashentnan ta wordo comunica e procedura aki sin sikiera wordo puntra e origen di nan necesidad pa determina e urgencia di nan situ-

acion.

Ta hopi cuestionabel e proposito di e 'maneho nobo' aki, cu no ta muestra di ta beneficia ni e pashent, ni e dunado di cuida medico, kende no lo tin e evidencia tangibel pa demostra e necesidad real di capacidad di cuida medico y personal aki na Aruba. Lo ta hopi lamentabel y kisas hasta macabro e pensamiento cu e proposito di e maneho aki lo ta pa minister di salubridad por gaba den campaña cu e lista largo di espera a keda elimina.

Si sigui tur e retonan cu tin den salubridad manera e inhabilidad di sincronisa e procesonan y cuida entre Imsan y HOH, e nachtmerrie di proyecto di construcción di Hospital y e asina yama 'brain drain' di personal kisas e tipo di medidanan aki ta pa prepara pa ora campaña cuminsa tin areanan positivo pa ilustra. Lamantablemente ta perhudica hustamente esunnan cu netamenten tin mester. No solamente e Minister ta responsabel pero cada un di e proveedornan cu awor tin numbertan di espera ficticio y pa AZV, pa kende lo ta dificil pa recomenda pa busca mas profesional pa atende cu e necesidad real di e poblacion. Esaki bo ta yama purba di tapa solo cu un dede y un muestra concreto cu e ser humano ya NO ta central!



Avigilon ALTA

Boost Business Security

- Seamless Cloud-Based Camera
- AI-powered analytics for real-time insights
- Remote management from anywhere, anytime
- Scalable security for single or multi-locations
- Unify your security with one powerful system!

To learn more, email us at sales@setar.aw

LIMITED TIME: Receive 50% discount on Installation*

*Special on installation of Avigilon ALTA camera is valid until August 31, 2024, only on labor.





Un tributo na Boysi Croes

E legendario cantautor crioyo di Aruba a bay laga nos



MUNDO di musica crioyo ta di luto. Dia 6 di juni ultimo, na edad di 93 aña, Boysi Croes, un di e figuranan mas emblematico di e cultura musical di Aruba, a fayece. Su legado, forma a lo largo di e decadanan, a laga un marca imborabel den historia y curason di su pueblo.

Boysi Croes a nace na 1931 den un comunidad chikito di Aruba, den un epoca caminda cu e isla tabata formando su identidad cultural. Desde hopi hoben, el a muestra un talento natural pa musica, siñando toca varios instrument y componiendo su prome cancionnan cu a refleha bida, e custumbenan y e spirito di su tera.

A lo largo di su carera, Croes a destaca no solamente pa su bos melodioso y su habilidad pa conta storia a traves di su letranan, sino tambe pa su dedicacion pa preserva y promove e musica crioyo Arubiano. Su cancionnan, carga di nostalgia y amor pa su patria, a converti den himno popular, interpreta den festividad y reunion familiar y transmiti di generacion pa generacion. Ken por lubida su yodel?

Fuera di su talento musical, Boysi Croes tabata un mentor pa hopi hoben music, guiando nan y instruyendo nan e importancia di mantene bibo e tradicion musical di Aruba. Su hogar semper tabata habri pa esunnan cu tabata busca pa siña y comparti su pasion pa musica.

Den e ultimo etapa di su bida, Boysi Croes a pasa mas di dies aña bibando na Merca, caminda cu el a sigui difundi

e musica di su tera natal y manteniendo un conexon cu e comunidad Arubiano den exterior.

E noticia di su fayecemento a shock e comunidad Arubiano y tur esunnan cu tabatin e fortuna di conoc'e y disfruta di su musica. Sinembargo, awendia, a pesar di e tristesa den nos curason, nos ta rindiendo homenahe na e personahe stima aki. Awo cu su partida, ban zona su cancionnan awo cu mas forza cu nunca, recordando e grandesa di su obra y e impacto cu e tabatin riba tanto bida.

Boysi Croes ta laga atras un legado inmenso, un tesoro musical cu lo sigui inspira e futuro generacionnan. Su spirito lo biba den cada akoord, den cada nota y den cada cancion cu ta celebra e rico herencia cultural di Aruba.

Descansa na paz, Boysi Croes. Bo musica lo sigui zona den nos curason eternamente.



Hasta corchon a kima Fan na candela den Paradera a pone tur hende na careda

DIASABRA atardi, un incidente inespera a mantene e residentenan di un adres na Paradera den alerta, ora cu autoridad a ricibi un informe riba un candela den e cas. E respons rapido di e servicionan di emergencia tabata crucial pa contene e situacion. E origen di e candela tabata un fan defectuoso cu, pa rason ainda bao di investigacion, a ende na candela, propagando e vlamnan rapidamente pa un corchon cercano. E situacion a bira critico den cuestion di minuut, desencadenando un accion urgente di parti di e bomberonan y polis. N'e luga di e suceso, e ekiponan di bombero a haya nan cu un situacion desafiante. Cu balentia y habilidad, nan a drenta e cas y a logra controla e situacion, kitando asina e corchon kima y pagando e candela prome cu el a sigui expande. Afortunadamente no a reporta ningun herido den e suceso aki, pero e dañonan material tabata significativo. Autoridad local a cuminsa cu un investigacion extenso pa determina e causanan exacto di e candela y preveni indicente di e tipo aki pa futuro.

No ta descarta cu por ta trata aki di un kortsluiting of susedad cu di un manera of otro lo a cende candela despues cu e motor di e fan por a chispa cu e consecuencia ya conoci.



PUBLIC AUCTION

THURSDAY
JULY 11, 2024

On Thursday, July 11, 2024 at 11 AM, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Savaneta 177-C

a residential house, situated on a right of long lease until 2 February 2037, in total 596 m2 in size, situated at Savaneta in Aruba, recorded in the Title Registry of Aruba as Third Division Section H number 19.
Starting bid: Afl. 300.048,00

Nuñe 2-B

a residential house, on right of long lease until 10 february 2058, on a parcel government land with a measurement of 400 m2, situated at Nuñe in Aruba, recorded in the Title Registry of Aruba as First Division Section L nummer 3077.
Starting bid: Afl. 280.160,00

Noord 94-A

a residential house, on two parcels of full ownership property land:
1. a parcel of land, 400 m2 in size, situated at Noord in Aruba, recorded in the Title Registry of Aruba as First Division Section D number 91; and
2. a parcel of land, 223m2 in size, situated at Noord in Aruba, recorded in the Title Registry of Aruba as Second Division Section D number 1834
Starting bid: Afl. 325.000,00

AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until **June 26, 2024, at 5 PM**. A bidding form can be downloaded on our website.

Un trekpleister pa accidente

Atrobe accidente riba caminda na Macuarima

E accidente ta ilustra cu un biaha mas e caminda principal cu ta pasa den Macuarima, ta manera un magneet pa accidente. Esey ta loke a sosode diasabra anochi pa 8'or, ora cu un Hyundai Accent colo blauw a dal tras di un pickup Nissan, lagando un persona herida.

Polis y ambulance a yega pa atende cu e accidente, ya cu e vehiculonan tambe a resulta gravemente afecta. E persona herida den e accidente mester a wordo transporta pa hospital pa ricibi atencion medico.

Daño causa den e accidente ta uno considerabel, mirando e estado con e autonan a keda aden.



Accidente na ex-veld di Winston a laga hende herida

DIASABRA anochi, den careda di 11'or, a tuma lug a un accidente na altura di ex-veld di Winston na Santa Cruz. Ta trata aki di un Toyota Yaris colo blanco y un Chevrolet colo cora, tabata e dos vehiculonan envolvi den e suceso aki.

Despues di e accidente, un persona envolvi den e accidente, tabata sinti hopi malestar y dolor, loke a motiva e interven-

cion di un ambulance. A atende e herido n'e lug a, realizando asina un evaluacion inicial y brindando e cuidonan necesario. Afortunadamente no tabata necesario hib'e hospital, ya cu e no a sufri nada grave.

E accidente a genera den un rato di ora interrupcion di e trafico den e zona, mientras cu autoridad tabata realiza nan trabao di investigacion y coordina e movimiento di e vehiculonan envolvi. A pesar di e susto y incomodidad momentaneo, e incidente no a laga consecuencia grave y por a resolve na un manera rapido y eficaz danki n'e reaccion lihe di e servicionan di emergencia.



Local Residents Special

50% off on any spa treatment

Includes

- Complimentary Mimosa
- Complimentary beachside and poolside seating*

Local residents also receive 25% off at Laguna, Gilligans and Castaways Bar**

eforea[™]
SPA
Hilton Aruba



*offer is valid for residents with local ID. Up to 3 additional guests and subject to availability.
**excluding full-sized bottled beverage and buckets.
Open daily 9:00AM - 6:00PM | +297 5266052 | auahh_eforea_aruba@hilton.com

Accidente na Camacuri a laga cuater hende herida

DEN e prome oranan di diasabra, a tuma luga un accidente grave riba e carretera di Camacuri, na altura di Aruba Bank, lagando cuater hende herida. Tres den un Nissan Tiida y uno den un Hyundai Accent.

Un ambulance tabata pasa den e zona a topa cu e escenario y a pidi ayudo adicional di inmediato, mirando cu e tres personanan tabata atrapa den e Tiida. Un di e heridonan tabatin un pia kibra.

Unidad di Cuerpo a yega rapidamente y a realiza e manio-branan necesario pa por a libera e heridonan atrapa y hiba nan hospital pa tratamiento medico.

Daño material na ambos auto ta considerabel.





BISHITA MEDELLIN

**TUR DIALUNA, DIARANSON
Y DIASABRA**

Reserva bo pasashi via www.wingo.com


AEROPUERTO INTERNACIONAL REINA BEATRIZ
www.airportaruba.com

wingo.com
¿Cómo quieres volar?

Un fenomeno preocupante

Desesperacion den e buskeda di amor riba red social na Aruba

DEN actualidad, e expresion "no tur cos cu ta briya ta oro" parce ta resona cu forsa den nos interaccionnan riba red social, specialmente riba Facebook, Badoo, Tinder of e otro websitenan di cita. E afirmacion aki ta refleha un tendencia creciente cu por a observa na varios ocasion: e buskeda desespera di un pareha ideal, hopi biaha sin considera e posibel consecucionan negativo.

Sin e intencion di ofende ningun hende, ya sea Arubiano of persona di otro nacionalidad, por a nota cu den hopi caso ta principalmente e hende hombernan Arubiano kendenan ta realisa e publicacionnan aki. A lo largo di tur e añanan cu Facebook tabata presente den nos bida, no a mira hopi biaha cu e hende muhe t'esun cu ta comparti e tipo di mensaHENAN aki. E hende hombernan parce ta en busca constante di un "persona serio". E pregunta clave aki ta: serio den ki sentido?

Soledad y su efectonan na Aruba

E cuestion profundo parce ta si soledad y e falta di un pareha ta yegando na un punto critico den e sociedad Arubiano. Den e bida moderno di Aruba, caminda cu interaccion social hopi biaha ta limita na screen y mensahe, e falta di compania por sinti mas presente. E bashi emocional ey por hiba un persona pa idealisa cualkier individuo cu presenta como un



posibel pareha sin evalua adecuadamente si e personanan ey realmente ta compatibel of adecua. Esaki por resulta den relacion superficial of problematico y den algun caso, den experiencia emocionalmente dañino.

Consecuencia di e buskeda desespera

E idealisacion di un pareha basa riba apariencia of den impresion superficial por tin varios consecuencia negativo. Di un banda, e por hiba na desilusion y decepcion ora cu e realidad no ta cumpli cu e expectativanan. Di un otro banda, e por resulta den situacion caminda cu ta ignora e señalnan di

alerta cu por indica cu e relacion no ta uno salu-dabel. E desesperacion aki por ciega e personanan, haciendo nan ignora e caracteristicanan importante di un relacion serio y duradero.

E impacto di e Rednan Social den e comunidad Arubiano

E rednan social y en particular Facebook, a hunga un papel significativo den amplica e comportacionnan aki na Aruba. E facilidad di publica y comparti pensamiento y sentimiento personal a haci cu hopi hende ta uza e plataformanan aki como un medio pa busca sosten emocional y compania. Sinembargo, e exposicion aki tambe por tin su banda scur. E publicacionnan cu ta busca un pareha por atrae tanto comentario positivo como negativo.

Reaccion di e comunidad

E tipico Arubiano, mirando e publicacionnan aki, por reacciona di diferente manera. Algun por ofrece palabra di aliento y sosten, mientras cu e otro nan por responde cu chansa, ridiculizando of hasta insultando e autor di e post. E reac-

TARA LOUNGE
by Elements
RESTAURANT

SUNDAY BRUNCH
\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

cionnan aki por tin un impacto significativo riba e persona cu ta busca un pareha, haciendo cu e por sinti su mes humilia of deprimi. E burla y e desprecio publico por haci e sentimiento di soledad y desesperacopm pio, creando un ciclo negativo dificil pa kibra.

E necesidad di sensibilidad y comprension na Aruba

Ta crucial atende e tema aki cu sensibilidad y comprension dentro di e contexto Arubiano. Tras di cada publicacion tin un persona cu sentimiento y vulnerabilidad. E rednan social tin e poder di conecta hende, pero tambe e por amplifica su inseguridad y desesperacionnan. Ta importante fomenta un ambiente caminda cu e personanan ta sinti nan mes apoya y comprendi den su buskeda di compania, na luga di wordo huzga of ridiculisa.

Conclusion

Resumiendo, e desesperacion pa haya amor riba red social ta un fenomeno preocupante cu ta afecta significativamente e comunidad Arubiano y por tin implicacion emocional y psicologico serio pa esunnan cu ta expone di e manera aki. E soledad y e buskeda desespera di un pareha por hiba na idealisa e personanan basa unicamente riba nan experiencia, ignorando posibel consecuencianan negativo.

Fuera di esey, e reaccionnan di e comunidad online por influencia significativamente den e bienestar emocional di esunnan cu ta busca compania. P'esey, ta fundamental trata e temanan aki cu delicadesa y e respet cu nan merece, reconociendo e humanidad y e vulnerabilidad di cada individuo na Aruba.





Elements
RESTAURANT

We Are HIRING

Join Our Award-Winning Team

#3 TOP HOTEL IN THE CARIBBEAN
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ EXECUTIVE CHEF
- ✓ IT SPECIALIST
- ✓ FRONT OFFICE SUPERVISOR
- ✓ CONCIERGE/FRONT DESK AGENT
- ✓ HOUSEKEEPING SUPERVISOR
- ✓ ROOM ATTENDANT
- ✓ HOUSEMAN
- ✓ HOST/HOSTESS (AM/PM)
- ✓ BEACH ATTENDANT

BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS

APPLY ONLINE AT: WWW.BUCUTI.COM/CAREERS





HOROSCOPO

Di Siman

DESPUES di bisa e fin di siman ayo, nos ta ranca sali p'e di dos siman di e luna di juni di 2024. Kico e astronnan tin prepara pa tur e signonan di e zodiaco - Aries, Tauro, Geminis, Cancer, Leo, Virgo, Libra, Scorpio, Sagitario, Capricornio, Acuario y Piscis - segun e prediccion completo di e Horoscopo?

Dia 9 Mars a drenta den Tauro y ta transmiti nos un energia perseverante pa nos no stop di persigui nos soñonan. E cuarto creciente di e Luna, dia 14 den Virgo, ta yuda nos avansa den nos plannan cu orden y poniendo hopi atencion n'e detayenan. E concentracion planetario positivo den Geminis ta faborece e signonan di aire - Geminis, Libra, Acuario - segun e pronosticonan di Esperanza Gracia.

Descubri aki e pronosticonan di e Horoscopo durante e proximo 7 dianan den tur e signonan zodiacal, for di dialuna 10 te cu diadomingo 16 di juni 2024.

Horoscopo semanal Aries

Tin obstaculo rond di bo, pero si bo logra haya sa di tur e potencial cu ta posee lo bo sinti bo mes sigur y nada lo por cu bo. Esey si, reacciona treman y lo bo tin bentaha importante. Lo bo bay tin mester di pasa tempo bo so pa recapacita y drecha algun eror cu bo por a comete y cu ta



costando bo caro. Disfruta di bo tempo liber, cu lo yuda bo mira e cosnan den positivo.

Horoscopo semanal Tauro

Bo por ta pasando den un momento delicado, pero cu e transito di Mars den bo signo bo lo bay tin hopi forza pa confronta loke ta bin y sali cu bo cabes riba awa. Rechasa e plannan cu no ta aporta na bo pasobra, siendo bon cu bo mes, lo beneficia tambe esunnan cu ta banda di bo. Si bo ta biba un amor secreto, no ta momento pa trece dilanti. Warda pa tin e ideanan cla.

Horoscopo semanal Geminis

Hopi pabien. Cu e Solo, Mercurio, Venus y Jupiter den bo signo, lo bo bay disfruta di un periodo luminoso y tur loke bo cuminsa e siman aki lo ta bendiciona p'e astronnan. Ta bo momento; no keda sin probcha e oportunidadnan cu lo bay haci bo hopi feliz. Ta posibel cu si bo ta bo so, un persona importante den bo bida lo aparece y si no ta asina, cu bo bida den pareha revitalisa.

Horoscopo semanal Cancer

Cu e Luna den cuarto creciente, lo bo bay ta hopi vital y emprendedor y lo bo reanuda algun plan of proyecto cu bo a pospone. Lo bo ta consciente di bo propio poder y lo bo sa di traspasa e bare-ranan ey cu tanto miedo tabata duna bo te cu awo. Lo bo sinti un gran empatia y lo bo disfruta hopi cuidando otro y dunando nan bo cariño. Bo bida lo flui manera seda. E Luna den bo signo dia 8 lo regala bo un dia magico.

Horoscopo semanal Leo

E Luna creciente den bo signo riba e dianan 9, 10 y 11 lo revitalisa bo y lo contribui pa bo ta

START YOUR DAY IN PARADISE

25% off for locals

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

Hilton
ARUBA CARIBBEAN
RESORT & CASINO

yena di expectativa, deseo y gana di biba y disfruta di tur loke ta na bo alcance. Caminda nobo den bo bida lo habri y ta posibel cu tur loke lo resulta bo complica lo simplifica. Si bo propone algo e siman aki, lo bo bay logra. Confia den bo mes y bay p'e.

Horoscopo semanal Virgo

E cuarto creciente den bo signo, dia 14, lo bay haci cu bo ta dicidido y cu hopi iniciativa. Lo bo no falta e oportunidadnan, asina ta hunga bo cartanan bon pasobra bo por yega hopi leu. Ta un bon momento pa bo traha plan cu bo pareha of biba un romance nobo. Suerte ta di bo banda den amor y bo lo por bira mas firme y dicidido cu nunca cu bo sentimentonan.

Horoscopo semanal Libra

E Luna creciente den bo signo, e dianan 15 y 16 lo anima bo pa cuminsa cu plan nobo y pa biba cu hopi intensidad. Bo ta ricibiendo un energia astral poderoso cu lo trece hopi éxito y felicidad. Si bo a cuminsa cu un relacion, purba di no ripiti e erornan anterior y scucha bo intuicion pasobra e lo hiba bo p'e caminda adecua.

Horoscopo semanal Scorpio

Bo ta den stress pa un asunto cu no ta bayendo manera bo kier, pero por sosode algo cu lo yuda bo realiza cu bo lo bay ta mas feliz si bo adapta e presente y stop di obsesiona cu loke bo no por logra haya aworaki. Desconecta un poco, mima bo mes y lo bo mira con lo bo sinti bo mes hopi mas miho. Un persona poco comun lo drenta bo bida y lo bay activa tur bo pasion.

Horoscopo semanal Sagitario

Ta varios dia maraviyoso pa consolida relacion y pa bo floria e sentimentonan cu lo yuda bo lubida decepcion di pasado. E hendenan lo fiha den bo y lo resulta bo facil gana nan confiansa. Bo ta finalizando un etapa emocional complica y descubriendo cu bo tin padilanti otro posibilidad. Oportunidad pa gana mas placa of pa cambia di trabao.

Horoscopo semanal Capricornio

Ta momento pa laga cla loke bo ta pensa y di atende algun cuestion di loke bo kier a papia un tempo caba. Cu e planeta Mars bon aspecta, lo no falta bo energia ni determinacion pa cumpli cu bo obhetivonan, pero evita stop di carga e storianan cu tin final cu ta mas cu predicibel. Pasado lo bay sirbi bo pa sa loke bo no ta desea di bolbe biba.

Horoscopo semanal Acuario

Algun circunstancia ta poniendo bo na prueba, pero bo ta ricibiendo un energia astral hopi poderoso pa bo enfrenta cu éxito cualkier reto cu bida pone bo dilanti. Awo lo bo por resolve e historianan di pasado cu bo a laga mita sin resolve. Lo bo ta mas consciente di loke bo ta busca den bida, di loke bo kier logra y di e pasonan cu ta preciso pa dal pa logr'e.

Horoscopo semanal Piscis

Algo cu bo no ta cla pa soluciona ta agobiando bo, aunke pronto lo bo haya un salida cu lo permiti bo recupera e ilusion. Di nada lo bay sirbi bo retrasa e decisionnan cu bo sa cu bo mester tuma. Ta cumbini bo ta coherente cu loke bo ta pensa y actua caba. E bida social lo yuda bo relaha y lubida e conflictonan cu awo mes bo no por resolve.



Ban Bishita!

Atlanta

RESERVA
bo pasashi via
www.delta.com

www.airportaruba.com

Operacion Israeli na Gaza

Ta rescata cuater rehen lagando varios morto artas

DEN un operacion militar cu hopi riesgo, Forza di Defensa Israeli (IDF) a rescata cuater rehen di e campamento di refugiado na Nuseirat na Gaza riba diasabra, un esfuerso cu segun e oficialnan di Gaza a resulta den mas di 200 morto y 400 herido.

E rehennan rescata, Noa Argamani, Almog Meir Jan, Andrey Kozlov y Shlomi Ziv, a keda secuestra na e festival di musica Nova riba 7 di oktober. Despues di nan rescate, nan a wordo transporta pa Sheba Tel-HaShomer Medical Center pa wordo evalua medicamente. Tragicamente, un polis Israeli di un unidad special contra terrorismo a perde su bida durante e operacion.

E operacion, realisa pa IDF cu apoyo di inteligencia y forza special, a apunta riba e infraestructura militante prome cu a drenta e luganan na unda e rehennan tabata wordo wanta. IDF a ricibi informacion preciso di e paradero di e rehennan, pero a enfrenta resistencia intenso di e militantenan.

E autoridadnan di Gaza a informa cu 236 persona a muri y mas di 400 a resulta herida pa motibo di e bombardeo fuerte y e tironan di artilleria cu a compaña e operacion. E victimanan a wordo transporta pa Hospital Al-Awda na Nuseirat y Hospital di e Martirnan di Al-aqsa na Deir al-Balah, na

unda cu e funcionarionan di e hospitalnan tabata lucha pa enfrenta e cantidad di herido.

IDF a declara cu nan mester a drenta e areanan civil unda Hamas a penetra, cu a complica e esfuersonan di rescate. Rear Admiral Daniel Hagari a splica cu e intentonan anterior pa rescata rehennan a keda aborta pa motibo di e condicionnan desfavorabel, loke a haci e exito di diasabra particularmente significante.

E operacion a causa indignacion na Gaza, y Hamas a condena esaki como un "crimen brutal." E grupo militante a afirma cu algun rehen a muri durante e rescate, un afirmacion cu IDF a descarta, citando e uzo di tactica psicologico pa Hamas.

Na Israel, e rescate a wordo ricibi cu reaccion confuso.

Mientras cu e famianan di e rehennan rescata a expresa alivio inmenso, nan a urgi Gobierno tambe pa sigui cu e esfuersonan pa logra liberacion di e 116 rehennan cu ta deteni na Gaza.

Segun cu e conflicto ta continua, e costonan humano ta aumenta, cu ta enfatisa e impacto devastador di e hostilidadnan cu ta tumando luga tur dos banda.

Prome Minister Danes Mette Frederiksen agredi na Copenhagen y ta sufri un 'Whiplash cervical'



PROME minister di Dinamarca, Mette Frederiksen, ta recuperando di un 'whiplash' cervical despues di a wordo agredi na Copenhagen ayera. E incidente a tuma luga na Kultorvet square, un di e plasanan principal di e ciudad. Segun e testigonan presencial, un homber a yega cerca Frederiksen y a push'e fuerte na su schouder, cu a causa cu el a move den banda. Afortunadamente, e Prome Minister no a cay durante e atake.

Frederiksen a wordo hiba rapidamente na un hospital pa un checkup. Su oficina a emiti un comunicado ayera, confirmando cu e ta bon, pero cu e incidente a laga e "den shock". E agresor, un homber di 39 aña, a wordo deteni pa polis.

E motibo tras di e asalto ta keda sin sa, pero e reportahenan di e medionan local ta indica cu e no tabata relaciona cu ningun evento di campaña. Frederiksen a haci campaña activamente pa e eleccionnan pa Parlamento Europeo hunto cu e candidato pa UE di e Socialdemocratanan Danes, Christel Schaldemose. E eleccionnan a tuma luga na Dinamarca y den henter e bloke di 27 nacion, terminando riba diadomingo.

E lidernan internacional a condena e atake y a expresa nan apoyo na Frederiksen. Prome minister di Reino Uni, Rishi Sunak, a enfatisa cu "violencia no tin luga den politica" y a desea Frederiksen un pronto recuperacion. E Secretario di Relacionnan Externo, Lord Cameron, tambe a condena e asalto y a declara cu "violencia y intimidacion di e politiconan no mester wordo tolera."

Secretario General di NATO, Jens Stoltenberg, amigo personal di Frederiksen, a expresa su preocupacion y a reitera cu e aliadonan di NATO ta uni pa proteha democracia y estado di derecho. E prome Minister di Suecia, Ulf Kristersson, y e Presidente di e Consejo Europeo, Charles Michel, tambe a condena e atake, destacando su implicacionnan pa democracia.

A pesar di e asalto, Frederiksen ta sigui cu su actividadnan politico. El a emiti su voto adelanta pa e eleccionnan pa Parlamento Europeo riba diasabra. Mientras e investigacion ta sigui, e comunidad internacional ta wak di cerca, subrayando e importancia di salvaguardia e procesonan y e lidernan democratico.



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Movecion clave pa sigui den eleccion pa Parlamento Europeo



E eleccionnan pa Parlamento Europeo, cu a tuma luga di 6 pa 9 di juni, tabata marca pa competencia importante den diferente estado miembro, cu ta refleha e diferente paisa-henan politico y e asuntonan critico.

Na Hungria, e Prome Minister Viktor Orbán, cu ta den e funcion pa hopi tempo, ta enfrenta un desafio formidabel di e ex-aliado Péter Magyar. Ta posibel cu e partido derechista Fidesz De Orbán, dominando pa casi 15 aña, ta mantene e mayoria, pero e partido centrista Respet y Libertad (TISZA) di Magyar a aumenta den popularidad, representando un menasa significativo. E acusacionnan publico di corrupcion di Magyar contra e gobierno di Orbán a resona den medio di crisis economico, loke por hiba Fidesz na perde asiento den Parlamento.

Italia ta mira e partido Hermanos D'Italia di prome minister Giorgia Meloni, cu reisan neofascista, expandiendo su influencia. Mientras cu su politicanan pro-Ucrania y Israeli ta atrae e aliadonan centrista, su gueranan cultural interno ta reforsa su credencialnan di derechista. Ta spera cu e eleccion lo reforsa su partido a costo di e partnernan di coalicion Lega y Forza Italia.

Na Francia, ta anticipa cu e rally nacional di Marine Le Pen lo

sigura e mayoria di e 81 asientonan di Francia, superando e partido di presidente Emmanuel Macron. E plataforma di Le Pen ta enfoka riba limita e movecion di migrante y opone e reglanan climatico di UE. Mientras tanto, e Partido Socialista, lidera pa Raphaël Glucksmann, ta mustra un resurreccion, apelando n'e votadonan cu maneho di clima ambicioso.

E eleccion na Alemania ta enfatisa e lucha di e coalicion di canciyer Olaf Scholz memey di e problemanan economico y disputa interno. E alternativa derechista extremo pa Alemania ta enfrentando retraso a pesar di un sosten fuerte, cu e scandalnan cu ta afecta nan candidato principal. E oposicion di centro-derecha ta purbando di beneficia di e impopularidad di e coalicion.

Na Slovakia, e intentonan reciente pa asesina Prome Minister Robert Fico a aumenta e tension electoral. E Partido Izquierdista Smer di Fico ta competi estrechamente cu e progresista Eslovakia Liberal. Ta spera cu e evento lo aumenta e participacion electoral, cu por favorece Smer den e carera parlamentario.

E competencianan clave aki ta ilustra e naturalesa dinamico y multifacetico di e eleccionnan pa Parlamento Europeo, cu implicacionnan significativo pa e futuro politico di Europa.

FERIA NACIONAL 2024

Juni 29

6 PM

Competencia di
Cabay

Juni 30

4 PM

Competencia di
Equitacion

Criadero
VILLA FLORALINA

 **AWEMainta**
E DIFERENCIA DEN NOTICIA



Juez: Henry Beltran



DEPORTE

deporte@awemainta.com

Aruba ta cay venci contra Corsou

No ta un secreto publico cu Corsou lo tabata e amplio favorito den e wega aki. Cu tur su hugadonan hungando den ere divisie na Hulanda y cu experiencia hungando den Gold Cup contra teamnan grandi di CONCACAF.

Corsou ta bin di gana Barbados 3 dia prome cu score di 4-1 y ta yega Aruba cu un team ya den “drive.”

Pa Aruba esaki tabata su prome wega y e plan di wega taBata hopi cla.

Hunga defensivo, purba wanta e score na cero y sali riba contraatake buscando di sorprende e defensa di Corsou.

Aruba a sali cu un formacion di 1-4-2-3-1, cu e robusto Terrence Groothusen como punto di referencia den atake y cu dos volante defensivo den Walter Bennet y Jonathan Richard wantando e medio campo.

Aruba ta yega e prome tempo cu su plan intacto, pero mester a sufri hopi. Corsou tabata sa cu Aruba lo bay hunga defensivo y cu espacio lo ta limita y tabata busca e buraconan via e liñanan. Especialmente riba e banda robes, e combinacion Floranus, Bacuna y Gore tabata penetra y terciendo e centronan peligroso pa e gol di Aruba.

Rangel Janga cu tabata e heroe contra Barbados e prome wega, no tabata mesun skerpi e anochi aki y a faya varios bon oportunidad.

Aruba su miho chens ta bin na di 38 minuut riba un contraatake caminda Jonathan Richard ta haya un pase den area pero e keeper Eloy Room ta trece un tremendo salvacion pa evita e gol di Aruba.

Den di dos tempo Corsou ta sali mas agresivo, y Bonds Coach Dick Advocaat ta haci un cambio, sacando su volante defensivo Godfried Roereratoe y mandando un hungado mas ofensivo Rayvien Rosario, mustrando e urgencia cu Corsou tabata pa soluciona e problema di gol.

Den di dos tempo Aruba ta sali cu mas confiansa y tabatin varios hugada bon y e gol di Corsou ta cay net


ora Aruba tabata hungando su miho futbol.

Na di 60 minuut ta Leandro Bacuna cu un tiro durisimo ta manda Corsou ariba 1-0. Aruba ta haya un oportunidad pa empata na di 82 minuut ora cu Benjamin Maria ta avansa riba e banda drechi y tabata kier a haci uno di mas enbes di los un tiro y ta perde e bala cu e defensor di Corsou.

E gol di siguransa ta cay den extra tempo na di 96 minuut pa medio di Xander Severina cu un tiro fuertisimo ta vence e keeper di Aruba Matthew Lentinks cu tabata grandi pa Aruba e anochi aki pero no por a haci nada pa stop e bala di drenta e gol.

Corsou ta logra su di dos victoria y ta consolida su mes como leader di e grupo, mientras Aruba a biaha diadomingo mainta rumbo pa Barbados pa hunga dia 11 contra St. Lucia.





Tres mil hende den stadion

Fanaticada a responde

E fanaticada di Aruba a responde na e yamada pa bin apoya su seleccion Nacional contra nos hermana isla Corsou.

Un stadion lata lata cu fanaticada full rond di e veld a crea un ambiente total cu musica, brass band y Corsou a baha cu su fanaticada impulsa pa “Tur cu tin media” a apoya e seleccion di comienso te fin.

Cu cantica nan manera “NOS KIER UN GOL DI BACUNA” Y “KORSOU PA DILANTI” nan a trece basta ambiente den stadion.

Arma cu trompet y tambor, nan a bin dicidi pa ta e hungado number 12 di Corsou.

Aruba no a keda atras.

Un brassband patras di e gol banda pazuid tambe pone ambiente combina cu e grito nan di “ARUBA NOS KIER GOL,” a percura pa duna e seleccion di Aruba mas aliento.

Hasta un ola humano nos por a presencia durante e partido, treciendo mas lucidez na e wega.

Aruba por mira atras riba un bon espectatulo. E resultado no a bay nos banda, pero si ta habri porta pa mas wega di nivel halto pa futuro.



Si Bondscoach Marvic Bermudez haya mas respaldo y miho cooperacion sigur e resultadonan lo cuminsa yega pronto.



Marvic Bermudez

E hungadonan a duna tur cu tin

DEN su conferencia di prensa despues di e wega, Bonds Coach di Aruba Marvic Bermudez, a conta cu nan a bin ta planificando e wega aki pa un tempo caba. Corsou tin un team profesional cu hungado top.

E plan tabata di frustra Corsou mas tanto posibel y esey tabata muestra tambe ya cu varios di e hungadonan di Corsou a cuminsa discuti riba veld.

E tabata sa tambe cu Aruba lo haya algun oportunidad di gol y Jonathan Richard a haya uno y si e bala ey lo a drenta e wega lo a cambia full.

Pero lamentablemente esey no a pasa. Tambe e entrada di Jeremy van Uunen na luga di Terence Groothussen a trece mas fluides n'e atake pero esaki ta sufri un leshon ni 5 minuut den e wega caminda mester a haci un otro cambio mandando Benjamin Maria na su luga.

Tanto van Uunen como Groothussen ta fisicamente fuerte cu por tene e bala pa haci e transicion pa atake mas rapido. Cu e salida di Van Unnen Aruba a perde su punto di referencia. Tambe nos a haci e pregunta di Stiven Rua hungando riba e

banda drechi y cu a pasa basta trabou tratando di stroba e atakenan riba banda robes.

Bondscoach a comenta cu Stiven Rua ta keda un hungado importante pa team Aruba.

El a caba di hunga 120 minuut den e final pa su team Britannia y nan a haci varios test pa wak cuanto minuut e lo por contribui prome cu haci cambio.

Bonds coach Marvic Bermudez "No ta sigur si Jeremy Van Uunen lo recupera pa e wega contra St. Lucia.

E capitan Fernando Lewis tambe a duna su comentario cu e tabata orguyoso di e grupo, cu nan a traha duro y duna tur cu tin. Y


cu a pesar cu Corsou tin "miho hungado", Aruba a sa di bataya bon.

Aruba awo mester recupera tanto fisico como mental y cuminsa prepara pa nan siguiente compromiso dia 11 di juni contra St. Lucia."

Trio arbitral Mexicano a dirigi e wega

UN trio arbitral Mexicano a dirigi e wega entre Aruba y Corsou. E arbitro principal tabata Cesar Ramos asisti na liña pa Alberto y Marco Bisguerra. E cuarto arbitro tambe ta di

Mexico y ta un dama den nomber di Amariany Garcia. Cesar Ramos ta un referee cu a dirigi den e ultimo Mundial. Por mira claramente cu e wega a cana bon sin ningun incidencia. Solamente algun drone cu a circula e tereno di wega na algun momento a pone cu e wega mester a para un rato. Pero por lo demas tremendo arbitrahe.



Caitlin Clark mester a forma parti di e ekipo di Basketball Olimpico di Merca?

E lista di basketball femenino Olimpico di Merca p'e Weganan di Paris a keda anuncia, y e escort di Indiana Fever, Caitlin Clark, ta notablemente ausente.

Clark, un nobato di WNBA, ta promediando estadística impresionante (16,8 punto, 5,3 rebound y 6,3 asistencia pa wega), pero su indice halto di perdida di bala (5,6 pa wega) por a contribui na su omicion.

A pesar di su popularidad y exito proyecta den e largo termino, Clark a enfrenta un competencia duro di un grupo profundo di guardia experiencia.

E lista final ta inclui e hungadonan experiencia manera Diana Taurasi, Brittney Griner, Kahleah Copper, Chelsea Gray, Jackie Young, Kelsey Plum, Breanna Stewart, Sabrina Iescu, Jewell loyd, Napheesa Collier y Alyssa Thomas.

E hungadonan aki ta aporta un combinacion di experiencia y habilidad, cu ta haci dificil pa un nobato segura un luga.

E inclusion di nobato den e ekipo olimpico no tin prece-

dente. E streynan manera Diana Taurasi, Candace Parker y Breanna Stewart tabata nobato olimpico. Sinembargo, USA Basketball ta priorisa e hungadonan experto, loke probablemente a influencia e exclusion di Clark. Taurasi su liderazgo y e experiencia di e guardia veterano tabata fundamental den e proceso di seleccion.

E echo cu Clark no a yega seleccion a trece discusion tocante e oportunidadnan di marketing perdí y su potencial como futuro strea. Aunke su ausencia ta un decepcion, e ta permitie pa descansa durante e recesion Olimpico, crucial despues di un año exigente.

Den bista di su talento, ta spera cu Clark lo ta un parti importante di e ekipo pa e Weganan Olímpiko di Los Angeles 2028.

E decision, aunke controversial entre fanaticonan di Clark, ta refleha e enfoke di USA Basketball riba e hungadonan experto pa e ciclo Olimpico actual. Clark su futuro cu e ekipo nacional ta parece prometedor, y su desaroyo den WNBA sigur lo aumenta su chensnan p'e seleccionnan futuro.

Dick Advocaat:

“Ik ben niet blij”

DEN su conferencia di prensa despues di e wega, Bonds Coach di Corsou Dick Advocaat a bisa di no ta contento con su team a hunga. A pesar di e victoria el a spera mas di su team, specialmente di su delanteronan cu a desperdicia varios chens di pone e bala den net.

Esaki a haci cu Aruba a keda den e wega y cu un descuido por a complica e wega.

E tabata sa cu Aruba lo bay hacie dificil pa Corsou hunga bala y nan a purba busca espacio via e liñanan.

E capitan di Corsou, e keeper Eloy Room tambe a comenta cu Aruba a hunga un bon wega, pero cu Corsou mes a faya varios chens clave pa tuma bentaha y esey a pone cu Aruba a bin ta crece riba nan.

Na final nan a puntra con nan a haya e veld di Aruba, caminda tanto Dick Advocaat como e capitan Eloy Room a comenta cu e yerba di Stadion di Aruba ta miho cu esun cu nan tin na Corsou.

The advertisement for Todomar is divided into four main sections, each with a blue header and a collage of related items:

- APPAREL:** Features a red baseball cap, a pair of sunglasses, and a blue long-sleeved shirt.
- BOAT ACCESSORIES:** Shows various boat-related items including a red fuel nozzle, a white container, and a black storage box.
- FISHING TACKLE:** Displays fishing equipment such as a fishing reel, a fishing rod, and a fishing lure.
- FIBERGLASS PRODUCTS:** Shows various fiberglass products including a large white bucket, a smaller white container, and a red container labeled "MOLD RELEASE".

At the bottom of the advertisement, there is a blue banner with the Todomar logo and contact information: "f TodomarAruba @TodomarAruba TodomarAruba +297 585 0555".

USMNT ta cay venci contra Colombia den un wega amistoso di profiel halto



E seleccion nacional masculino di futbol di Merca (USMNT) a enfrenta un chekeo di realidad duro riba diasabra, perdiendo 5-1 contra Colombia den un amistoso di profiel halto na Commanders Field na Landover, Maryland. E wega, cu a atrae un multitud di 55.494 fanatico, hopi di nan tabata fanatico Colombiano, a wordo clasifica como un prueba critico pa USMNT, cu ainda ta den desaroyo. Sinembargo, el a bira un asunto unilateral cu a destaca e lucha continuo di e team contra oponentenan di prome nivel.

E partido a cuminsa desastrosamente pa USMNT, cu Jhon Arias anotando pa Colombia den e prome seis minuutnan. Pa e di 19 minuut, Rafael Santos Borré a hinca un di dos gol, lagando e ekipo Mericano tambalia. Esaki tabata e prome biaha for di 1995 cu USMNT a duna dos gol den menos cu 20 minuut.

E fanaticonan Colombiano, hopi bisti na geel, a canta "USA, Colombia es tu papá", subrayando dominio di e cafeteros durante henter e partido. E ambiente den e stadion a refleha e control di Colombia, cu e cancionnan cu a sigui mientras nan tabata extende nan bentaha.

A pesar di tin un team inicial componi den su totalidad p'e hungadonan di e cinco liganan grandi di Europa, un novedad pa USMNT, e ekipo Mericano a lucha pa mantene e ritmo. E

hungado streya Christian Pulisic a expresa optimismo prome cu e wega, citando e logronan di e hungadonan Mericano den e liganan Europeo. Sinembargo, e optimismo aki no a resulta den exito riba tereno.

Bou direccion di e entrenador Gregg Berhalter, USMNT ainda no a derota un ekipo entre e 25 prome weganan pafo di CONCACAF den un wega cu su ekipo-A. E derota contra Colombia a continua cu e tendencia preocupante aki, loke a genera duda riba e capacidad di e ekipo pa competi na e nivel mas halto.

Colombia, di su banda, a muestra su fortaleza y cohesion, extendiendo su racha invicto despues di 22 wega, un record cu ta tumando luga pa mas di dos aña. Su ekipo, cu hungado di un variedad di liga internacional, incluyendo Liga MX di Mexico, Super Liga di Turkia, Serie A di Brasil y Liga di Streya di Qatar, a demostra un trabou di ekipo y un ehecucion superior.

USMNT lo mester reuni y trata e deficiencianan exponi pa e derota aki mientras cu nan ta prepara pa un zomer yen di partido critico. E incapacidad di e ekipo pa hunga contra e competencia di elite ta keda un obstaculo significativo mientras nan ta boga pa establece nan mes riba escenario global.

E organisadonan di Weganan Olimpico na Paris ta presenta Exhibicion di renchi Olimpico n'e toren di Eiffel

CINCUENTA dia prome cu e Weganan Olimpico, e organisadonan di e Weganan Olimpico na Paris a presenta un impresionante exhibicion di e cinco renchinan Olimpico colga riba e iconico Toren di Eiffel.

E gesto simbolico aki ta marca un punto di bista significativo mientras e capital Frances ta preparando pa acogida di e evento deportivo mas grandi di mundo.

Riba diabierna, e ceremonia di inauguracion a atrae un multitud grandi di espectador y representante di e medionan di comunicacion, ansioso pa presencia e momento historico.

E renchinan Olimpico, un símbolo mundialmente reconoci di unidad y excelencia atletico, awo ta dorna un di e monumentonan mas famoso di mundo, ofreciendo un recordatorio visualmente impactante di e weganan venidero.

E exposicion, orkestra pa e organisadonan di Paris 2024, ta refleha e compromiso di e ciudad pa organisa un weganan Olimpico memorabel y impactante.

E renchinan, colga n'e Toren di Eiffel, ta enfatisa e combinacion di e patrimonio cultural rico di Paris cu e spirito di atletismo moderno. E impacto visual ta pretende di inspira tanto Parisinonan como e bishitantenan, subrayando e emocion y anticipacion rond di e evento.

Tony Estanguet, Presidente di Paris 2024, a enfatisa e importancia di e momento aki. "Colga e renchinan Olimpico riba Toren di Eiffel, ta simbolisa e unidad y inclusion cu e Weganan Olimpico ta representa.

Ta un mensahe poderoso pa mundo cu Paris ta cla pa ricibi e atletanan y e espectralornan for di tur parti di mundo", el a bisa durante e ceremonia.

E Weganan Olimpico di Paris 2024, cu lo tuma luga di 26 di juli te cu 11 di augustus, lo ta e di tres biaha cu e ciudad lo organisa e Weganan Olimpico, ya cu el a haci esaki anteriormente na 1900 y 1924.

E evento ta priminti di mostra e miho den deporte, cu e atletanan compitiendo den diferente disciplina, for di atletismo y natacion te cu gimnasia y basket.

E preparacionnan pa e weganan ta den pleno ehecucion, cu sede den henter e ciudad preparando pa acomoda e afu-

encia di atleta, funcionario y espectador. E organisadonan tambe ta enfoka riba sostenibilidad, cu e esfuersonan pa minimalisa e impacto ambiental di e weganan y promove e practicanan ecologico.

Mientras e conteo pa e Weganan Olimpico ta sigui, e exhibicion di e renchinan Olimpico na e Toren di Eiffel ta sirbi como un faro di speranza y emocion. No solamente e ta celebra e siguiente evento, pero tambe ta reforsa e status di Paris como un centro global pa cultura, deporte y unidad internacional.

E inauguracion di e renchinan Olimpico na e Toren di Eiffel ta mas cu un show visual; e ta un recuerdo poderoso di e balornan di excelencia, amistad y respet cu ta sostene e movimiento Olimpico.

Mientras mundo ta warda ansiosamente riba e Weganan Olimpico na Paris 2024, e exhibicion iconico aki ta anuncia un celebracion di e logronan atletico y camaraderia internacional.



SPIRITUAL

Mantene e chispa bibo den un relacion di termino largo



MANTENE emocion y intimidad den un relacion di largo plaso por ta un reto, pero ta crucial pa mantene un asociacion saludabel y satisfactorio. E emocion inicial di un romance nobo ta evoluciona naturalmente pa un conexion mas profundo, pero pa sigura cu e chispa ta keda briya, ta rekeri esfuerso y intencion di ambos partner. Adhunto ta sigui algun strategia clave pa mantene e chispa di amor bibo.

1. Prioridad di comunicacion

Comunicacion habri y honesto ta e base di cualkier relacion solido. Esaki ta nifica comparti regularmente bo pensamentonan, sentimentonan y experencianan cu bo pareha. Scucha activamente y empaticamente. E dialogo continuo aki ta yuda trata cualkier problema prome cu e vinculo entre boso intensifica y reforsa.

2. Enfrenta cambio hunto

Hende ta cambia cu tempo, mescos cu relacion. Mester enfrenta e cambionan aki y crece hunto en bes di separa. Sostene crecimiento personal di otro y hunto explora e interesnan of e pasatemponan nobo. Esaki ta mantene e relacion dinamico y ta evita stagnacion.

3. Tuma tempo pa intimidad

Intimidad ta bay mas leu cu afeccion físico. E conexionnan

emocional y intelectual ta mes importante. Dedica tempo di calidad na otro sin distraccion. E cita di anochi, e escapadanan di fin di siman of simplemente dal un keiro banda di lama por reactiva e romance. Contacto físico, manera tene man of brasa, tambe ta fortalece e liganan emocional.

4. Aprecia y celebra otro

Un gesto chikito di gradicimento ta nifica hopi. Expresa gratitud regularmente y reconoce e esfuersonan di bo pareha. Celebra cada mehoracion y exito, no ta importa con chikito nan ta. E reconocimiento aki ta fomenta un ambiente positivo y ta reforsa e conexion.

5. Mantene e diversion bibo

Harimento y diversion ta componente esencial di un relacion alegre. Participa den e actividadnan cu boso dos ta disfruta y crea recuerdonan nobo hunto. Alegria y humor por disipa tension y mantene e relacion alegre.

6. Mantene e individualidad

Aunke ta importante pa nutri e relacion, mantene e individualidad di cada un ta igualmente crucial. Encurasha otro pa sigui e interesnan personal y mantene amistad pafo di e relacion. E independencia aki ta permiti tur dos pa trece perspectiva y experiencia nobo na e asociacion.

Amor Fati: E Amor pa Destino



AMOR fati, un frase Latino cu ta traduci como "amor pa destino", ta encapsula un filosofia profundo cu ta fomenta no solamente aceptacion sino un aprecio profundo pa e desaroyo di bida mes, independientemente di su retonan of triunfo. Amor fati, cu a wordo inventa pa e filosofo Aleman Friedrich Nietzsche, ta invita hende pa aprecia y acepta nan destino cu amor y entusiasmo, transformando cada experiencia, tanto faborabel como desfavorabel, den parti integral di un existencia significativo.

Esencialmente, amor fati ta un baile cu destino. E ta urgi nos pa mira nos bida, pasado, presente y futuro como un composicion harmonioso. En bes di resenti of resisti aspec-tonan di nos bida, nos ta wordo stimula pa haya bunitesa y proposito den cada buelta di destino, reconociendo cu cada paso ta contribui na e obra maestra unico di nos existencia.

Aceptacion di e presente:

E aspecto fundamental pa amor fati ta e aceptacion di e momento presente. E ta exige compronde cu nos circunstancia actual, maske desafiante, no ta simplemente obstaculo, sino e capitulonan esencial den e narativo di nos bida. Aceptando e presente sin reserva, nos por procesa e retonan cu gracia, reconociendo cu hasta adversidad tin e potencial di crecimiento y revelacion.

Transformacion di adversidad:

E filosofia di amor fati ta desafia nos pa transforma adversidad den un oportunidad pa autodescubrimiento y resiliencia. En bes di mira e contratiemponan como desviacion, nos ta wordo anima pa mira nan como componente integral di un diseño mas grandi y complica. Den e paradigma aki, e dificultadnan ta bira e materia prima for di cual forsa y sabiduria ta wordo forma.

Libertad di repentimento:

Practica amor fati ta libera nos di e carga di penitencia.

En bes di enfoca riba loke por tabata of loke por ta, nos ta cultiva un gratitud profundo pa e totalidad di nos experiencianan. E aceptacion profundo aki ta extende no solamente n'e momentonan di alegria y exito, pero tambe n'e periodonan di desafio y tristesa.

E poder di eleccion:

Mientras destino ta desaroya den su manera misterioso, Amor Fati ta reconoce e poder di escho personal den e baile cosmico aki. E ta un yamada pa forma nos contestanan, e actitudnan y e perspectivanan activamente. Ora nos ta eherce poder riba nos destino, nos ta bira co-creadornan di nos destinacion, infundiendo proposito y intencion den nos bida.

Biba den afirmacion:

Bida amor fati ta un afirmacion di bida den su totalidad. E ta un exuberante "si" na tur loke a pasa, loke ta pasando y lo desaroya. E filosofia aki ta infundi un sentido profundo di gratitud, urgiendo hende pa saborea e rikesa di cada experiencia, reconociendo cu cada momento, pa chikito cu e ta, ta contribui na e trayecto di un bida biba cu amor y proposito.

Den un mundo unda incertidumbre ta abundante, amor fati ta fungi manera un invitacion pa haya bunitesa den caos, proposito den retonan y amor den desaroyo di nos historianan unico. E ta un filosofia cu ta resona door di siglonan, cordando nos cu, door di aprecia nos destino cu amor, nos ta descubri un fuente profundo y duradero di nificacion den e trayecto compleho di existencia.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Parlamentario Aquannette Gunn (MAS)

Prome Minister ta haci uzo di dos lenga




PARLAMENTARIO Aquannette Gunn, miembro di fraccion di MAS, a señala un preocupacion significativo: e aparente inconsistencianan den palabra y accion di e Prome Minister Evelyn Wever-Croes. Durante un analisis minucioso, Gunn a resalta riba e discrepansionan presente, specialmente evidente durante e ultimo conferencia di prensa di e Prome Minister.

Gunn a referi na un pregunta formula pa un medio di comunicacion riba e suspension di cierto funcionarionan publico trahando den e departamentonan cu ta resorta bao di e Prome Minister. Segun Gunn, el a haci un serie di 25 pregunta n'e Prome Minister na final di mei, especificamente riba e suspension di un empleado di Beheerwaterschappen (DOW), cu tin nuebe luna na cas y e director di DIP, cu ta suspendi desde mei 2023 riba un investigacion disciplinario.

E falta di claridad y transparencia den ambos caso tabata un preocupacion expresa p'e fraccion di MAS. Gunn a resalta un contesta di e Prome Minister durante e conferencia di prensa, caminda cu el a afirma cu un minister no por discuti caso individual, ya cu e lo ta contrario n'e etica y e principionan estableci. Den e contexto aki, Gunn a recorda un cita-

cion specifico di e Prome Minister, publica riba su pagina di Facebook riba dia 26 di maart 2022, cu a bisa: "MI kier remarca cu ta hopi importante pa tur empleado publico tin un posicion politicamente neutral den nan trabao. Sea cu bo ta na favor di gobierno of no, na pia di trabao no ta permiti pa haci cosnan politico pa ningun partido politico cu ekipo di trabao, mucho menos si e no ta parti di e definicion di bo trabao." E citacion aki a enfatisa e importancia di neutralidad politico p'e empleadonan publico.

E publicacion aki parece ta contradeci e postura di e Prome Minister den e conferencia di prensa, loke ta trece interrogante riba e coherencia etico y e cumplimento di e principionan declara.



Eric Ras (CURPA)

Partido MEP y RAIZ ta sinta den eerste rij eerste bank den e Universidad di Corrupcion

LIDER di partido CURPA, Eric Ras, a pidi pa gobierno reconoce su falta di integridad y tuma su retiro. Ras ta señala cu actualmente tin problema den Cocolishi y e prome minister ta pidiendo pueblo pasenshi pa permiti cu Ministerio Publico realisa su investigacion. E situacion aki ta contrasta cu loke a pasa dia 30 di maart 2021, ora cu e Prome Minister a acudi na gobernador y a presenta e renuncia di e gabinete Wever-Croes I debi n'e presion di un parlamentario di partido POR.

Cricita na partido MEP y falta di integridad

Ras ta critica partido MEP, cu a gana e eleccionnan basa riba mentira, pa no cumpli cu e expectativanan di pueblo. Segun Ras, despues di tres aña di gobierno, partido MEP a demostra un falta di integridad y un maneho deficiente. Por ehempel, Ras ta menciona e caso di Embassy Suites, unda cu un hues mester a interveni debi n'e inaccion di e gobierno y planta di purificacion na Bubaliplas, cu tambe ta un refleho di mal maneho.

Hiporecia y fayó di gobierno

Lider di CURPA tambe ta destaca e hiporecia di partido MEP, cu tabata sa yama partido AVP "Universidad di Corupcion". Ras ta señala cu awo partido MEP ta den e mesun situacion y ta sufriendo e consecuencianan di su propio erornan. El a recorda cu desde mei 2021, prome minister tabata na altura di e caso di Arubahuis y no a tuma medida, loke tambe ta wordo considera como un falta di integridad. Fuera di esey, el a critica gobierno pa regala 175 milyon di dollar na Citgo mientras cu e adultonan mayor mester paga pa nan remedinan y pa exonera un ex-minister di e caso Tofanelly cu 2.1 milyon florin di pueblo.

Condicion di bida di e adultonan mayor y proposicion di mehoracion

Ras ta subraya cu e costo di bida ta hopi halto y a pesar cu AZV tin un surplus, e ancianonan mester biba cu un solo pensioen y ainda asina paga nan prima di AZV. Partido CURPA ta sostene cu esunnan cu ta biba cu un solo pensioen di SVb no mester paga ningun prima ni pa nan remedi. Ta boga pa mehora calidad di bida di nos adultonan mayor y honra nan pa nan servicio n'e pais.


Produccion di alimento y desaroyo sostenibel

Ebncuanto e produccion di alimento Ras ta insisti pa Aruba enfoca riba agricultura, cria y pesca y no den construccin

cu ta laga tereno sin sembra. Aunke e ta gradici turismo, e ta considera cu ta tempo di produci nos propio cuminda. E ta critica gobierno pa firma cu Desaroyo Sostenibel, loke lo implica pa hende come carni artificial y insecto na luga di planta y cria bestia. Ademas, e ta adverti riba e impulso pa un moneda digital cu por limita e acceso di esunnan cu no a vacuna, loke e ta considera un paso den direccion di dictadura.

Crisis Economico Mundial y e futuro di Aruba

Ras tambe ta expresa su preocupacion p'e crisis economico mundial y e impacto di e caida di e dollar Mericano na Aruba, cu e fecha di dia 9 di juni marcando e fin di e petrodollar. Den tempo di crisis, ta boga pa pone e speransa den Hesucristo y ta critica e gobierno pa no a traha den e construccin di dam di awa. Cu e gobierno bao di investigacion, Ras ta señala cu e parlamentarionan a keda mudo y cu durante shete aña no a haci nada pa mehora e situacion, solamente nan a malgasta e placa di pueblo y a mira pasado na luga di enfoca riba futuro. Segun Ras, esaki ta demostra e falta di vision y solucion di e gobierno actual. Ras ta conclui cu Partido CURPA ta e unico alternativa confiabel p'e pais.



Departamento di Aviacion Civil cu accion riba rampa



DURANTE e siman cu a pasa Departamento di Aviacion Civil di Aruba a tene un accion di inspeccion di rampa na nos aeropuerto. Un total di 17 avion a wordo inspecciona. Esaki a wordo haci en conhunto cu e coleganan Frances, cu ta basa den Antias Frances.

For di algun tempo caba Aruba tin un team di 4 inspector local cu ta cualifica pa conduci inspeccion di rampa segun e sistema Europeo di "SAFA" (Safety Assessment of Foreign Aircraft). Resultado di e inspeccionnan ta wordo hinca den e SAFA database cu ta contene e resultadonan di e inspeccionnan haci n'e otro paisnan cu ta parti di e sistema aki. Asina e resultadonan aki por wordo compara cu otro, y e data aki por wordo analisa mas efectivamente.

Como parti di un acuerdo di cooperacion cu Francia, e inspectornan di Aruba ta haci e inspeccionnan hunto cu inspectornan di Antias Frances, cu tambe ta parti di e red di SAFA. Tin biaha esaki ta tuma luga na Aruba, y tin biaha esaki ta tuma luga den Antias Frances. E cooperacion aki ta yuda grandemente pa standarisa e manera di traha y pa siña for di otro. E siman aki a toca pa inspectornan di Antias Frances haci e inspeccionnan na Aruba hunto cu nan coleganan di Aruba.

Un total di 17 avion a wordo inspecciona. Avion di tur tipo, avion grandi y chikito, di pasahero y di carga. E discrepancianan haya ta wordo manda pa e compania concerni pa asina nan tuma e medida di coreccion necesario. Departamento di Aviacion Civil ta keda monitor implementacion di esaki te ora cu tur coreccion tuma luga manera cu mester ta.

Durante e añanan ta nota un tendencia na Aruba cu e discrepancianan constata ta birando menos den cantidad y den severidad. Tambe ta mira cu e companianan di aviacion ta tuma e inspeccionnan na serio y ta tuma e medidanan necesario di precaucion prome cu haci nan vuelo pa Aruba. Esaki ta musta e balor agrega di e programa di SAFA, cu realmente ta contribuyendo pa eleva e seguridad operacional di aviacion na Aruba.

Minister di Transporte, Sr. Ursell Arends y Departamento di Aviacion Civil ta gradici su inspectornan y tambe e coleganan di Antias Frances pa e bon trabou desplega durante e accion di e siman aki, y na e manera cu a coopera cu otro.

Departamento di Aviacion Civil lo keda haci e tipo di inspeccion aki na Aruba, no solamente pa eleva e seguridad operacional mas ainda, pero tambe pa sigura cu e nivel halto aki ta wordo manteni na un manera duradero, mirando e importancia di aviacion pa e economia di nos pais.

Imagennan adhunto ta ilustrativo.



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Wardacosta ta detene boto cu dos persona, droga y arma

DIASABRA mainta Wardacosta a detecta un boto sospechoso riba lama yegando e costanan di Aruba. Mesora a manda patruya di Wardacosta pa bay detene e boto cu tabata nabegando rumbo pa Eagle Beach. Na momento cu boto y e cuater personanan a yega costa y tuma nota di autoridad, nan tur a purba huy.

E agentenan di Wardacosta a logra detene dos di e personanan, mientras otro dos a logra huy. Wardacosta a lanta su helicopter tambe pa patruya e area for di laira. Durante control abordo di e boto e agentenan di Wardacosta a haya diferente pakete cu droga y 3 arma.

E dos hombernan cu a wordo detene di nacionalidad Colombiano y Venezolano huntu cu mas di 700 kilo di droga a wordo entrega na Cuerpo Policial Aruba y ta pendiente pa mas investigacion.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Minister Glenbert Croes lo representa gobierno di Aruba n'e International Labor Conference



DIAHUEBS atardi, Minister di Labor Glenbert Croes a biaha pa Geneva hunto cu e delegacion di Aruba, pa asisti na e "International Labor Conference (ILO) 2024". Pa cu e aña aki, e conferencia ta conta cu un participacion di mas di 187 pais y 5000 representante di diferente gobierno.

Durante e conferencia aki, lo atende e topico di proteccion di e trahado contra efectonan di e cambio climatico y tambe contra menasanan biologico, principalmente di loke a pasa cu Covid-19, y con el a afecta e trahado su salud y bienestar general.

Otro tema importante cu nan lo atende ta e tema di decencia cu mester tin den e trahadonan cu ta traha den e economia di cuida, y sigura cu nan derecho fundamental wordo salvaguardia.

Den cuadro di esaki e ta fundamental pa tin un Departamento di Labor cu ta fortifica, cu ta apoya y empodera, pa asina haci e trabounan di supervicion y control, manera e departamento di Bureau Arbeids Inspectie cu nan inspectornan. Tambe lo atende cu e tema importante di dialogo social, y



con pa mantene e formato aki pa atende cu asuntonan di interes general cu ta afecta nos pais. E meta ta pa logra un coalicion mundial pa sigura cu a traves di cumplimento cu e SDG's nan nos por logra husticia social pa tur trahado den tur sector.

Durante su biahe tambe, Minister Croes lo tuma e oportunidad pa culmina e negociacionnan cu Acciona Energia na Madrid, pa asina finalisa e realisacion di e hydrogen valley, y pa cuminsa cu loke mester bira e cooperacion entre Gobierno di Aruba, Spaña, Repsol, y RDA, pa e parti bon di e infraestructura di e patio di tanki, por wordo reactiva temporalmente. Repsol ta un compania cu ta hopi interesa pa yega na un cooperacion cu Aruba riba esaki.

"Mi ta bay cumpli cu e mision den nomber di pais Aruba, y lo regresa Aruba pa sigui atende tur asunto cu nos tin den cuadro di nos trabou" Minister Croes a expresa.

Celebracion di San Antonio di Padua lo ta diahuebs awo na Pro-Catedral San Francisco

CU motibo di e festividad di San Antonio di Padua, bao direccion di Pastoor Stanislav y e comision organizado, Pro-Catedral San Francisco ta extende un cordial invitacion na tur e fielnan, devotonan y e pueblo di Aruba pa participa durante e celebracion significativo aki.

E evento lo tuma luga diahuebs, dia 13 di juni 2024 pa 7'or di anochi na Pro-Catedral San Francisco.

Laga nos uni nos tur den oracion na San Antonio di Padua, pidiendo pa paz mundial y di manera special, pa nos pais stima, Aruba. Esaki ta un momento pa reflexiona y fortalece nos fe, como tambe pa fomenta e union y solidaridad den nos comunidad.

No perde e oportunidad di forma parti di e celebracion solemne aki, caminda hunto nos ta eleva nos suplicanan y gradicimento den nomber di San Antonio di Padua. Ta spera di conta cu boso presencia.



COMFORT, FOOD AND COCKTAILS





FOR SHOWTIMES AND ONLINE TICKETING:
WWW.CARIBBEANCINEMAS.COM

☎ 787-999-3292

📷 @caribbeancinemasaruba

📺 Caribbean Cinemas Aruba

DOWNLOAD OUR APP



Receta di Dia

PA esunnan cu kier algo dushi, pero toch cu ta destaca riba e mesa di comedo, nos tin un receta sabroso pa comparti cu nos lectoran: Galiña pasa den Lamunchi cu Honing. E ta un combinacion perfecto di sabor dushi y citrico y ta prepara rapidamente.

Ingrediente:

4 pecho di galiña sin cuerto y sin weso
Salo y pepper na smaak
2 Cuchara di azeta di oleifi
3 djente di conoflok, corta fini fini
¼ cup di bouillon di galiña (chicken stock)
¼ cup di juice di lamunchi fresco
3 cuchara di honing
1 cuchara di saus di soya
Wiel di lamunchi pa decora
Peterselie fresco corta chikito pa decora (opcional)

Instruccion:

1. Prepara e galiña: Sazona e pechonan di galiña cu salo y pepper ambos banda.

2. Cushina e galiña: Keinta e azeta di oleifi den un panchi grandi riba candela medio-halto. Añadi e pechonan di galiña y cushina durante 5 pa 7 minuut cada banda of te ora cu nan ta bruin licht y bon cushina. Saca e galiña for di e panchi y pon'e den un tayo.



3: Prepara e saus: Den e mesun panchi, agrega e conoflok corta

chikito y has'e durante 1-2 minuut, te ora bo haya e holo. Añadi e bouillon di galiña, e juice di lamunchi, e honing y e saus di soya. Mescla nan bon y laga nan herbe riba candela abao durante por lo menos 3-4 minuut, te ora e saus bira un tiki diki.

4. Combina e galiña cu e saus: Bolbe pone e galiña den e panchi y cubri'e cu e saus. Cushina pa 2-3 minuut adicional, sigurando cu e galiña ta bon cubri p'e saus.

5. Sirbi: Sirbi e galiña den tayo individual, decora pa e wiel di lamunchi y peterselie fresco corta si bo ta desea.

E Galiña pasa na Lamunchi cu Honing aki ta perfecto pa un cuminda rapido pero elegante. Bo por compañ'e pa aros, batata machica of un salada fresco. Disfruta di dje.



Fortaleza pa Famia

SALI for di boluntad di Dios ta desobediencia, y e tin su consecuencia

Ta conoci pa nos tur esunnan cu a sali for di boluntad di Dios y e consecuencia cu e tabatin pa nan biba. Adam y Eva. Tur e hendenan cu no a scucha di Noe. E pueblo di Israel cu a murmura y pasa cuarenta aña den desierto y hopi a muri den desierto. Sodoma y Gommora. David. Jonas. Ta pa djis menciona e casonan di mas conoci.

Esunnan cu ta biba pafo di boluntad di Dios, ta perde nan bendicion, pasobra ni maske con sabi of con rico un hende porta, boluntad di Dios ta sumamente importante y mester tin prioridad den nos bida.

Si bo tin un persona den bo bida cu ta aleha bo for di e boluntad di Dios, no gaña bo mes. Por favor aleha bo mes for di e persona, no ta importa ken e ta.

Pasobra mañan cu Dios kier den e momentonan dificil di malesa of situacion preta di bida, e persona ey no por yuda bo, ta na Dios mes bo tin cu sclama.

* Tin caminda cu ta parece bon den bista di hende, ma e fin ta e caminda di morto. (Proverbionan 14:12).

* Palabra di Dios ta bisa nos den Romanonan 12:2: No sea conforme e mundo aki, ma sea transforma pa medio di e renobamento di boso mente, pa boso por comproba kico ta bon y agradabel y perfecto boluntad di Dios.

Nos mester busca urgentemente e boluntad di Dios pa nos bida, y esey ta nos salvacion, pasobra mañan no ta primiti na ningun hende.

Pasobra esun cu ta haci malo, lo ricibi e consecuencia di e maldad cu el a haci y esey sin distincion di persona. (Colosensenan 3:25)

Pasobra esaki ta e boluntad di Dios, boso santificacion, esta pa boso abstene boso for di inmoralidad sexual, pa cada un di boso sa con pa tene su mes curpa den santificacion y honor y no cu pasion di deseo carnal, manera e paganonan cu no conoce Dios. (1 Thesalonisensenan 4;3-4)

Pasobra Mi sa e plannan cu mi tin pa boso, Señor ta declara. Plan pa paz y no pa calamidad, pa duna boso un futuro y un speransa. Anto boso lo sclama na Mi y bin haci oracion na Mi y lo Mi scucha boso y boso lo busca mi y boso lo

haya Mi, ora boso busca Mi di henter boso curason.

Ora nos busca e boluntad di Dios pa nos bida, nos lo ripara e diferencia mesora entre bon y malo, pasobra ta sali na cla si nos ta den e plan di Dios pa nos bida si of no.

E plan di Dios no ta pa un hoben ta bende of uza droga, cana cu arma, keda sin bay scol, bira bandido y cay cera etc. Pero si algo asina sosode pa motibo di cabesura y no ta tende di su mayornan, e no mester keda den e situacion ey, pero mester busca e boluntad di Dios pa su bida door di arepentí y aparta for di su mal caminda.

Regosiha semper. Haci oracion sin stop. Sea agradecido den tur cos, pasobra esaki ta e boluntad di Dios pa boso den Cristo Hesus. (1 Thesalonisensenan 5:18).

P'esey no tira boso confiansa afo, cual tin un gran recompensa. Pasobra boso tin mester di perserverancia, pa ora boso a haci e boluntad di Dios, boso ricibi loke a wordo priminti. (Hebreonan 10:35-36).

No laga e boluntad di hende pasa riba di e boluntad di Dios pa bo bida, corda cu Dios ta Soberano y E ta goberna mundo.



Sinceramente, Pastor Marcel Balootje



Aurora
Royal Pray
 Funeral Home & Crematory

Laga tur loke ta spera mi ta bunita
 Laga tur locual cu mi encontra na caminda ta bunita
 Laga tur locual cu mi laga atras keda bunita y
 Laga esakinan termina den tur bunitesa.
 Cado Wever.

Cu inmenso dolor na nos curason, nos ta
 anuncia fayecimento inespera di:

Jarick Patrick Steven Farro
 *17 oktober 1992 †24 mei 2024

Acto di entierro lo wordo anuncia despues.



Aurora
Royal Pray
 Funeral Home & Crematory

Gradicimento y Invitacion

Pa medio di esaki famia kier a gradici tur esunnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:

Maria Antonia Kelly-Ruiz

Boso muestra di atencion ta di hopi aprecio y un gran sosten pa nos. Un danki na un y tur cu a manda carhi, krans, Whatsapp, e-mail y a haci yamada telefonico. Tambe na Aurora Funeral Home pa su bon servicio y atencion. Boso muestra di atenshon tabata un gran consuelo pa nos.



Aurora
Royal Pray
 Funeral Home & Crematory

Mi Dios, Mi Señor, Mi Salvador
 Cu Bo amor infinito tene mi den Bo brasa

Ya no tin scuridad
 Unicamente Bo Luz briyando

Cu dolor na nos curason, nos ta anuncia fayecimento di nos ser stima:

Aura Solognier-Delany
 *27-06-1937 - †02-06-2024

Acto di entierro lo wordo anuncia despues



Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Instalacion
- ✓ Material di Calidad
- ✓ Design

☎ 6990495



www.laycro.com



“Señor ta mi wardador, mi’n tin falta di nada
Den cunucu di yerba berde e ta pone mi
sosega.

E ta hiba mi na awa trankil,
Pa mi bolbe haya forsa”.

Salmo: 23

A bay drumi den brasa di Señor

Policarpo Paulo Loefstop

Miho conoci como: “Poli”

*26-01-1961 - †04-06-2024

Na number di su:

Compañera: Carmen Rodriguez Rosario

Mayornan: †Nicasio y Felicia Loefstop-Croes

Yiunan: Mylaine Loefstop y yiunan, Patrick y
Emely Navaro y yiu

Nieto(a)nan

Rumannan: †Bartholomeo y †Rosa Loefstop-Donata y yiunan, Filomena Loefstop y yiunan, †Rosaria y †Glenn Proctor-Loefstop y yiu na Corsou, †Martina Loefstop y yiunan, Antonio y Lucia Loefstop-Croes y yiunan, Pablo y Mirna Loefstop-Acosta Carmona y yiu

Sobrino(a)nan, primo(a)nan y demas famia y conocirnan y amigonan, ex-coleganan Carpenter Shop Marinierskazerne

Demas famia: Loefstop, Croes, Donata, Kock, v/d Biezen, Boekhoudt, Proctor, Kelly, Alvarez, Francois, Acosta, Hasham, Vrolijk, Rosel, Maduro, Curiel, Dabian, Peña, Lampe, Franken, Navaro

Nos disculpa si den nos tristeza nos por a lubida un of otro famia

Ta invita pa e acto di despedida cu lo tuma lugar diamars 11 di juni 2024 di 7:00 pa 9:00 pm na Aurora Funeral Home, sigi pa e acto di cremacion cu lo tuma lugar den seno di famia



come to me,
all you who
are weary
and burdened,
and I will
give you rest.

MATTHEW 11:28



“Amor y fieldad ta topa, husticia y paz ta brasa otro;
Fieldad ta brota for di tera y husticia ta baha for di shelo.

Husticia lo bay dilanti y paz lo sigui den su paso.”
Ps. 85:10,11,13

Cu inmenso tristesa na nos curason, pero conforme cu
boluntad di Dios, nos ta participa fayecimento di:

Mario Rudolf Danies

Mihor conoci como “Dodo of Dodois”

*08-10-1957 - †03-06-2024

Mayornan: †Emilia Danies & †Mario Jacobo Danies

Unico yiu: Jennyline Dinella Danies

Stima manera yiu: Sendley Danies, Errol Barry y famia

Nietonan stima: Jeynuel Rudwayne Danies, Jeurión

Eriq-zion Danies

Mama di su yiu: †Wina Jenny Tromp

Rumannan: Carmen “Carmensita of Canchita” Danies,

Jessy Danies y famia, †Maritza y Franklin Franken-

Danies, Mevelin “Mevi” y Benjamin “Bencho”

Dijkhoff-Danies, Mario “Juni” y Glenda Danies-Danje,

Shanila “Dela” y Johnny Boekhoudt-Danies, Harold

“Picho” y Dorinda Danies-Franken

Tanta y omonan: Vda. Leoncita “Pepe Chia” Donata-

Danies, †Pedro Danies y famia, †Nemencio Danies y

Pina Danies y famia, †Gregorio Danies y Lila Danies y

famia, †Simon Danies y Isabela Danies y famia, †Ar-

turo Danies y famia, †Petra Danies y famia, †Daniel

Danies y famia

Sobrino y sobrinanan: Sendley Danies, Jorge y Shailing

Dijkhoff-Jacobs, Jamiro Dijkhoff y Estefany Espinel y

yiunan, Jennifer Dijkhoff y yiunan, Edward Franken y

Genesis Zievinger, Sigwald Franken y Kimberly Her-

nandez y yiu, Jermaine y Mario Tromp-Boekhoudt,

Sobre-sobrino y sobre-sobrinanan

Madrina: †Juanita Martis

Comer y Comper: Lucy Mac Jannet, Tirso Tromp

Ayudantenan di cas: Beta Burke-Arends y famia, Jose

Dirks

Bon bisiñanan

Ex-Casa: Beatriz Pulgarin (Colombia)

Amigo manera ruman: Pedro Everon y famia

Demas amigonan: DOW Completo muy especial su co-

leganan di departamento di BKW, Centro Kibrahacha

60+, Aruba Muscle Car Club, Barnol Racing, TLB, Dr.

Ross Racing, Rosel Garage, Mustang Club.

Primo y primanan y demas famia: Danies, Webb, Dijkhoff, Boekhoudt, Tromp, Brete, Croes, Jacobs, Danje, Donata, Franken, Rodriguez, Martis, Eduwardo, Gei, Helder, Schaarbay, Richardson, Quandus, Luydens, Willems, Bernardus, Espinel, Peterson, Bolag, Zievinger, Hernandez, Pulgarin, Casuela y Arcaya

Ta invita pa acto di despedida cual lo tuma luga na Aurora Funeral Home dialuna 10 di juni 2024 di 1’or pa 4’or di atardi. Cremacion lo tuma luga despues.

Nos disculpa si den nos tristesa nos por a lubida algun famia of conocir.

Despues di despedia nos no por ricibi bishita di condolencia na cas.

Preferibel bini bisti na colornan alegre.

Enbes di flor of krans lo tin un box disponibel pa Konigin Wilhelmina Kankerfonds.



God understands the cries of our heart, even when
they’re too deep for words. Romans : 8:26

Cu dolor na nos curason, nos ta anuncia fayeci-
mento di nos ser stima:

John R. Samson

Miho conoci como Papa John

* 29-02-1952 +03-06-2024

Na number di su

Yiunan: Maikel Samson y Jessy Ramirez y
yiunan, Charlene Samson y Ludenny Roga y yi-
unan, Zollaine y Marius Krind y yiunan, Gabriela
Samson.

Tata: †Waldemar Samson.

Mama: †Carmelita Samson-Jansen.

Rumannan: Dolfi Jansen y Ina Jansen-Martis,
†Albert Chundro y Laura Chundro-Hopmans,
†Ilse Marie Henriquez Samson Y + Fai Hen-
riquez, †Leyla Leyba Samson, †Eddy Samson,
Leo Samson y Mercedes Samson-Croes, Kenneth
Samson y Carla Samson-Wix.

Nieto y Nietanan:

Richenel, Naomi, Zayn, Zyenne, Shaquierre,
Shaduirre, Xiong, Xanthé, Justin, Nashanti, Azi-
rah.

Primo y primanan, sobrino y sobrinanan.

Mane Ruman: Alex y Jacky Falconi, Maurice y
Karim Neme, Silo Brete y Flora Brete-Arends

Bon bisiña: Yatzy y Francis y famia

Tur ex empleado nan di: La Tratoria El Faro
Blanco, Fisherman Hut, West Deck Aruba, Holi-
day Inn Hotel

Demas Famia: Samson, Krind, Ramirez, Roga,
Maduro, Piña, Ras, Quandus, Henriquez, Jansen,
Martis, Chundro, Hopmans, Perse, Lacle, Lueng,
Leyba, Croes, Wix, Albus, Bikker, Comvalius,
Lo-Fo-Sang, Rasmijn, Nicolaas, Mc Bene Cour-
tar, Gonzales, Kelly, Kock.Oduber.

Gradicimento na staff i personal di Fundashon
Hospice atardi.

Nos ta pidi nos disculpa si den nos tristesa por a
lubida un of otro famia of amistad

Ta invita tur famia, amigo y bisiña pa compaña
nos na e acto di despedida cu lo tuma luga na
Aurora Funeral Home diamars 11 di juni 2024 di
2:00 pm pa 4:00 pm. Cremacion lo tuma luga den
seno familiar.

Ta lamenta cu despues di entierro nos no ta ricibi
bishita di condolencia na kas.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com